



অবিলম্বে প্রকাশের উদ্দেশ্যে: 7/20/2022

গভর্নর ক্যাথি হোকল

গভর্নর হোকল সরকারী আবাসনের আবাসিকদের সমর্থন করার জন্য এবং NYCHA-তে অবস্থার উন্নতির জন্য আইনী প্যাকেজে স্বাক্ষর করেছেন

S.7859-A/A.8612-A আবশ্যিক করে যে টিকিটের নম্বরগুলির জন্য একটি অনুসন্ধানযোগ্য ডেটাবেস থাকে

S.72-A/A.9387-A NYCHA উন্নয়নে ওপেন কোড লগুঘনের পাবলিক ডেটা বজায় রাখার সাথে সম্পর্কিত

গভর্নর ক্যাথি হোকল সরকারী আবাসনের বাসিন্দাদের সহায়তা করার জন্য এবং নিউ ইয়র্ক সিটি হাউজিং অথরিটির (New York City Housing Authority) অবস্থার উন্নতির জন্য আইনের একটি প্যাকেজে স্বাক্ষর করেছেন। আইন S.7859-A/A.8612-A নিউ ইয়র্ক সিটি হাউজিং অথরিটিকে (New York City Housing Authority, NYCHA) টিকিট নম্বরগুলির একটি অনুসন্ধানযোগ্য ডেটাবেস তৈরি এবং বজায় রাখা আবশ্যিক করে যা বাসিন্দাদের দায়ের করা অভিযোগগুলি দেখায়। আইন S.72-A/A.9387-A আবশ্যিক করে যে সরকারী আবাসন উন্নয়নের বাকি থাকা কোড লগুঘনের ডেটা ব্যক্তিগত মালিকানাধীন আবাসনের ক্ষেত্রে যেভাবে বজায় রাখা হয়, সেইভাবেই যেন বজায় রাখা হয়।

"দীর্ঘ সময় ধরে, নিউ ইয়র্ক সিটির সরকারী আবাসনের বাসিন্দারা অগ্রহণযোগ্য জীবন ধারণের মানের মোকাবেলা করতে বাধ্য হয়েছেন - তবে আমরা পরিবর্তন আনার জন্য কাজ করছি," **গভর্নর হোকল বলেন।** "NYCHA-তে স্বচ্ছতা এবং দায়বদ্ধতা বৃদ্ধি করা অপারেশনগুলি উন্নত করতে এবং বাসিন্দাদের মেরামত এবং উন্নতির অগ্রগতি ট্র্যাক করার জন্য প্রয়োজনীয় সরঞ্জামগুলি সরবরাহ করতে সহায়তা করবে।"

"বর্তমান ডেটা সিস্টেম বজায় রাখতে এবং অভিযোগগুলি ট্র্যাক করতে সহায়তা করার জন্য প্রযুক্তি ব্যবহার করা নিউ ইয়র্ক সিটি হাউজিং অথরিটিকে জীবনযাত্রার অবস্থার মান উন্নতি করতে সহায়তা করবে," **লেফটেন্যান্ট গভর্নর আন্তোনিও ডেলগাডো বলেছেন।** "সরকারী আবাসনের অবস্থার উন্নতিতে সাহায্য করার জন্য গভর্নর দ্বারা স্বাক্ষরিত এই নতুন প্যাকেজটি নিশ্চিত করবে যে আবাসন-নিরাপত্তাহীন নিউ ইয়র্কবাসীদের একটি বাসযোগ্য স্থান থাকবে যাকে তারা বাড়ি বলতে পারেন।"

আইন S.7859-A/A.8612-A আবশ্যিক করে যে NYCHA-এর টিকিট নম্বরগুলির একটি অনুসন্ধানযোগ্য ডাটাবেস থাকে, যা কর্তৃপক্ষের ক্রিয়াকলাপে স্বচ্ছতা এবং দায়বদ্ধতা প্রসারিত করবে। টিকিটের নম্বর এবং অভিযোগগুলি জনসাধারণের দেখতে পাবেন, কিন্তু যে বাসিন্দারা নালিশ জানান তাদের ব্যক্তিগত তথ্য বাদ দেওয়া হবে।

রাজ্য সিনেটর জেসিকা রামোস বলেছেন, "প্রায়শই, উডসাইড হাউসে আমার প্রতিবেশীরা অনুভব করেছেন যে তাদের রক্ষণাবেক্ষণের অনুরোধগুলি শূন্যতায় বিলীন হয়ে গেছে। আমি রক্ষণাবেক্ষণ মেরামতের জন্য এই সর্বজনীন, অনুসন্ধানযোগ্য ডাটাবেস তৈরি করতে অ্যাসেম্বলি সদস্য বার্নওয়েলের সাথে অংশীদার হতে পেরে গর্বিত। এটি একটি ধারণা যা খুবই সহজ এবং প্রয়োজনীয়, আমি রোমাঞ্চিত যে আমরা গত সেশনে এটি সম্পন্ন করতে পেরেছি। আজ এটিকে আইনে স্বাক্ষর করার মাধ্যমে, গভর্নর হোকল NYCHA-তে বসবাসকারী নিউ ইয়র্কবাসীদের জন্য দায়বদ্ধতার একটি ব্যবস্থা তৈরি করতে সহায়তা করছেন।"

বিধানসভার সদস্য ব্রায়ান বার্নওয়েল বলেছেন, "দীর্ঘ সময় ধরে, NYCHA-এর বাসিন্দাদের কোনও তথ্য সরবরাহ না করেই তাদের অভিযোগগুলি বন্ধ করে দেওয়া হয়, এবং কখনও কখনও কাজটি সম্পূর্ণ না করেই তা করা হয়। এই বিলটি NYCHA-এর বাসিন্দাদের জন্য দায়বদ্ধতা এবং স্বচ্ছতা প্রদান করবে। আমরা প্রতিদিন যে অভিযোগগুলি পাই তার অনেকগুলি সমাধান করতে এটি সাহায্য করবে। আমি গভর্নর হোকল এবং সিনেটর রামোসকে এক সাথে কাজ করার জন্য এবং এটি সম্পন্ন করার জন্য ধন্যবাদ জানাই।"

আইন S.72-A/A.938-7A আবশ্যিক করে যে সরকারী আবাসন উন্নয়নে বাকি থাকা কোড লঙ্ঘনের ডেটা ব্যক্তিগত মালিকানাধীন আবাসনের ক্ষেত্রে যেভাবে বজায় রাখা হয়, সেইভাবেই রক্ষণাবেক্ষণ করা হোক, যা উক্ত সরকারী আবাসনের অবস্থার উপর আলোকপাত করবে।

স্টেট সিনেটর ব্র্যাড হোয়েলম্যান বলেছেন, "আমাদের সরকারী আবাসন সর্বজনীন দায়বদ্ধতা থেকে পৃথক রাখা উচিত নয়। এই মুহূর্তে, এমন কোনও ব্যবস্থা নেই যা NYCHA আবাসনে বাকি থাকা কোড লঙ্ঘনের ডেটা সংগ্রহ করে। নিউ ইয়র্ক সিটির বেসরকারি ভাড়াটেরা "311" কল করতে পারেন, কিন্তু NYCHA বাসিন্দারা যে অভিযোগগুলি করেন তা রেকর্ড করা হয় না। আমাদের সরকারী আবাসনের দায়বদ্ধতার ব্যবস্থায় এই ত্রুটির সমাধান করার জন্য কাজ করার জন্য আমি সিনেটর সংখ্যাগরিষ্ঠ নেতা স্টুয়ার্ট-কাজিনস, আমার ডেমোক্রেটিক সেনেট সহকর্মীদের এবং গভর্নর হোকলের কাছে কৃতজ্ঞ। S.72A এর মাধ্যমে, নিউ ইয়র্ক সিটি অবশেষে আমাদের NYCHA সুবিধার অবস্থার উপর আলোকপাত করতে সক্ষম হবে এবং সমস্ত নিউ ইয়র্কবাসীকে তাদের প্রাপ্য নিরাপদ ও পরিষ্কার আবাসন প্রদান করতে পারবে।"

বিধানসভার সদস্য মার্সেলা মিটাইনেস বলেছেন, "আমি NYCHA ওপেন কোড লঙ্ঘন বিল (A09387/S72) এর জন্য পাবলিক ডাটাবেসকে আইনে স্বাক্ষর করার জন্য সাধুবাদ জানাই, আমাদের দেশের সর্ববৃহৎ পাবলিক হাউজিং এর বর্তমান স্টককে সেই মানদণ্ডে নিয়ে এসেছে যা আমাদের বিদ্যমান হাউজিং ইউনিটগুলির বাকীদের পূরণ করা প্রয়োজনা এই বিলটি সমস্ত বাসিন্দা এবং নেতাদের এমন একটি সরঞ্জাম সরবরাহ করবে যা তাদের আবাসন সংস্থাকে দায়বদ্ধ করতে ব্যবহার করা যেতে পারে। NYCHA-কে তাদের বাকি থাকা কোড লঙ্ঘনের ডেটা

বজায় রাখা আবশ্যিক করে, আমরা সম্মিলিতভাবে আমাদের শ্রমজীবী-শ্রেণীর বাসিন্দাদের উপযুক্ত আবাসন এবং মর্যাদা প্রদান করা শুরু করতে পারি যা আমাদের সকলেই প্রাপ্য।"

নিউ ইয়র্ক সিটির মেয়র এরিক অ্যাডামস বলেছেন, "NYCHA-এর বাসিন্দাদের একই নিরাপদ, উচ্চ-মানের, সাশ্রয়ী মূল্যের আবাসন প্রাপ্য যা প্রতিটি নিউ ইয়র্কবাসীর প্রাপ্য, এবং এটিকে বাস্তবে পরিণত করার প্রচেষ্টায় গভর্নর হোকলকে অংশীদার হিসেবে পেয়ে আমি আনন্দিত। অবশেষে, আমাদের একজন গভর্নর এবং একজন মেয়র আছেন যারা এক সাথে কাজ করেন NYCHA-তে বাস্তবিক, অতি-প্রয়োজনীয় উন্নতিসাধনগুলি নিয়ে আসার জন্য এবং আমি সরকারী আবাসন সংরক্ষণ ট্রাস্ট তৈরি করতে এবং NYCHA-এর বাসিন্দাদের তাদের প্রয়োজনীয় পরিষ্কার, নিরাপদ গৃহ প্রদান করার জন্য গভর্নর হোকলের সাথে কাজ চালিয়ে যাওয়ার জন্য উন্মুখ।"

এই আইনে স্বাক্ষর নিউ ইয়র্কবাসীদের জন্য নিরাপদ, সাশ্রয়ী মূল্যের আবাসন প্রদানের জন্য গভর্নর হোকলের আত্ম-উৎসর্গের উপর ভিত্তি করে গড়ে তোলে। কেবল জুলাই মাসেই, গভর্নর হোকল সাশ্রয়ী মূল্যের আবাসন প্রকল্পগুলি সমাপ্ত হওয়ার ঘোষণা করেছিলেন [নায়াগ্রা কাউন্টিতে](#) এবং [ওসওয়োগোতে](#), এবং সাশ্রয়ী মূল্যের আবাসন প্রকল্পের নির্মাণ শুরু করার ঘোষণা করেছিলেন [সেনেকা কাউন্টি](#) এবং [ইস্ট বাফেলোতে](#)।

জুন মাসে, গভর্নর হোকল [আইন স্বাক্ষর](#) করেন যা নিউ ইয়র্ক সিটি পাবলিক হাউজিং প্রিজারভেশন ট্রাস্ট (New York City Public Housing Preservation Trust) তৈরি করে, যা একটি পাবলিক বেনিফিট কর্পোরেশন, NYCHA নিয়ন্ত্রণে 25,000 অ্যাপার্টমেন্টের মেরামত, পুনর্বাসন এবং আধুনিকীকরণের জন্য তহবিল প্রদানে সাহায্য করার জন্য। ট্রাস্ট এমনও গ্যারান্টি দেয় যে অধিকার সংরক্ষণের মাধ্যমে বাড়িগুলিকে সাশ্রয়ী মূল্যে রাখা হয় যা নিশ্চিত করে যে বাসিন্দারা তাদের আয়ের 30 শতাংশ ভাড়ার জন্য প্রদান করে, বাসিন্দারা সমস্ত বর্তমান উত্তরাধিকার অধিকার বজায় রাখে, অ্যাপার্টমেন্টগুলি নিম্ন আয়ের বাসিন্দাদের জন্য সংরক্ষিত থাকা অব্যাহত থাকবে এবং সেই অ্যাপার্টমেন্টের শূন্যপদগুলি NYCHA-র অপেক্ষমাণ তালিকা ব্যবহার করে পূরণ করা হবে।

###

আরো সংবাদ পাওয়া যাবে এখানে www.governor.ny.gov -এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্ক্রাইব করুন](#)